

天一閣藏明代方志選刊

內黃縣志

一九六三年十二月上海古

籍書店據寧波天一閣藏明

嘉靖刻本景印原書版框高

二一·〇公分寬一五·八公分

嘉靖內黃縣志

新刻內黃縣志序

王崇慶曰夫內黃者黃內也自
則我為內邑在內也河在外也其其君
子取而名邑乎何以無志也曰物固有
所待也夫先王之治天下莫史乎大史
以紀是非邪正尤莫大焉然而史之修
否存乎人是故今之志古之史也凡郡
縣所宜慎而修也矧王畿之邑哉是故



崇三善去四病可以言志矣何以辯物
曰明何以取舍曰公何以獨斷曰勇故
物辯而後是非昭焉取舍定而後君子
小人別焉勇斷而後讒者莫之間力者
莫之奪焉是良史所以跨百代而先王
之所必與也若夫華以眩實偽以亂真
疑以侵信辯以軌訥斯則古今所謂大
患不獨病史之細而已矣吾觀黃之志

其殆近是善而免是病與是故讀其地理知其沿革分野山川猶吾開也讀其田賦知其上賦下貢猶吾開也讀其祠祀建置知其報本城郭宮室猶吾開也讀其官師知其治治而教教猶吾開也讀其人物選舉知其賢良貞節登庸薦辟猶吾開也又讀其古蹟文章知其丘陵銘碑序記猶吾開也故曰近三善矣

夫以是集更四令而後成斯亦艱矣在
弘治庚戌則有若宜春張子鳳未果也
在嘉靖甲申則有若永昌張子古未果
也在丙申則有若琴川張子文鳳將命
梓而臺召下又未果也信哉文之有待
也於是新令河內張子鵬以前事白諸
撫公黃巖公曰志以信後文以行遠討
而潤色必慎其人於是移文府君孟門

孟門曰吾意也吾責也因遂濫及小子
慶旣不果辭則踵其舊而小變之義取
刪繁事存夏五也嗟乎文也者君子之
所以經緯天地也獨華國也哉則夫巖
公之撫王畿宜其首及是與公兄弟歷
官皆由翰林今天下所謂文章家也敢
並及之使黃人知所為重且慶邑乘之
創有遇云

嘉靖丁酉孟秋望日

賜進士出身大中大夫遼東苑馬寺卿致
河南等處提刑按察司副使仕開州端
溪子王崇慶序

內黃縣志序

內黃於今為大名屬邑自建

國以來疆域廢置山川物產與夫鴻儒碩士附見於他書者多矣而邑志獨缺如也予嘗求其故矣漢唐以前遠未暇論宋時大名隣於契丹故嘗棲重兵於此當時守臣方以治兵禦虜覲旦夕之安為急務其於志固且未遑也金元之

際此地淪於夷狄者蓋三百年

國朝混一以來始得去腥膻之汚以復見
中國文明之盛

列聖相承仁漸義摩百五十年來四方文
治蓋極盛矣而是邑之志顧未有任之
者則為政於是者不得辭其責也嘉靖
癸未永昌張侯古來知邑事始至稽邑
故實焉而病於無志也乃喟然曰邑無

志猶之國無史也蔑從稽矣茲豈不在
予既三年政成化孚百墜修舉乃即鄉
先生大尹周君萬金謀焉君力學嗜古
暇日嘗稽圖志咨之耆宿私為志一帙
以未成書藏之中笥人莫得見至是出
以示侯侯曰君積勞於是年矣今之
任是事非君孰可者乃以幣徵就局卒
業焉尤恐容有遺漏舛訛乃請邑庠司

訓孫君良輔偕庠生董弦等相與搜羅
讎校於是事無巨細義所得書者具載
靡遺而數千百年闕典乃今而克備焉
豈亦有數存其間邪嗚呼文獻之興廢
係乎人與時而二者難於相值也若是
志之修固張侯之賢知所當務有如不
幸而丁宋季金元之運雖賢有司亦奚
暇於此乎天下有道君子得盈禮焉可

謂幸也已修且完會張侯考績來

京以予舊相好也屬予序因為書于卷
端於以見是志之成有非偶然者如此
用告夫繼今為邑者圖續修焉庶不負
張侯之用心爾

嘉靖丁亥秋七月朔

賜進士出身左春坊

太子右贊善

經筵講官同修

國史前翰林院編修莆田林文俊序



